



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Diatribai De Primis Veteris Frisiae Apostolis, Sive  
Dissertationes, quibus eoru[m] anni, actus, res,  
personae, loca, tempora in eorundem actis occurrentia,  
discutiuntur, illustrantur, erroresque ab ...**

**Bosschaerts, Willibrord**

**Mechliniae, 1650**

62. Quo anno Sanctus Willibrordus sit creatus Episcopus.

**urn:nbn:de:hbz:466:1-10958**

quouis tempore rerum prænotiones menti ingerere. Unde similis generis friuola reijcimus, indigna quibus calamus teratur.

Ex prædictis Respondetur ad alteram questionem initio præpositam, S. Willibrordum intrasse urbem 10. Kal. Decembris id est 22. Nouembris, quæ erat feria quarta hebdomadæ & festum S. Cecilie, quo & eodem inuestitur Episcopus, de quo mox statuetur dissertatio.

### DISSERTATIO LXII.

Quo anno Sanctus Willibrordus sit creatus Episcopus.

**B**Ruschius dicit consecratum anno 694. Petrus Opmerius anno 695. feria 2. Verum ambo refutantur ex Bedæ lib. 5. Histo. Anglicanæ ca. 12. expressim ponente eius ordinationem anno 696. Bedam omnes alij sequuntur, vt Heda, A Beca, Leijdenfis, Molanus, Hærcus, Miræus, L. Beijerlinx, Bucherius, Ioannes Roberti ex monumentis Epternacensibus, &c. Id ipsum probatur ex eodem Bedæ, qui finiens historiam suam Anglicanam anno 731. ait cap. 4. lib. 5. Willibrordum dicto anno 31. habere 36. sui Episcopatus annum. Rectè vero anno 731. agit 36. sui Episcopatus, si anno 96. consecratum teneamus. Nec contrarius est nobis Sigebertus in chronico suis verbis ad annum 697: *Willibrordus à Sergia Papa Clemens agnominatus, & ad prædicandum genti Frisonum Episcopus consecratus, ex dono Pipini Principis sedem Episcopalem statuit in loco Wultaburch dicto, qui Wultraiectum dicitur à nomine gentis Wultarum & Traiecto compositum, quasi Wultarum oppidum, &c.* Non enim ibi affirmat Willibrordum

dum anno 97. consecratum, sed iam consecratum (anno præcedenti) & reuersum, Episcopalem Cathedram Ultraiecti constituisse, quod verum est.

Ex his cernitur manifestus lapsus Francisci Irenici in exomologesi Germanica aientis, Ultraiectensem sedem ordinatam à Carolo magno & ab eodem Willibrordum eidem impositum, cum Willibrordi consecratio, Cathedre Ultraiectinæ constitutio, sessio & mors longè præcesserint Imperium Caroli magni.

Petes, quo vitæ suæ anno Episcopatus ordinem accepit? Respondetur anno 39. Liquet ex dissertatione 26. qua habitum est in Frisiam aduenisse anno 690, ætatis suæ 33. cui si addantur sex, efficitur annus 39.

Sed an anno 39, inchoato siue currente, an expleto? Affirmare nihil habemus, cum nec mensem nec diem natiuitatis eius teneamus, & parum refert. Exposcebat quidem tum quam plurimum vsus in ordinando Episcopo annum quadragesimum, vt patet in Wilibaldo ordinato vitæ suæ anno 41. apud Gretf. Obseruat. lib. 1. cap. 12. in vitam S. Wilibaldi: in S. Huberto ordinato anno 40. apud Ioannem Roberti in quæstionibus Hubertinis ad vitam S. Huberti quest. 1. In Bonifacio qui videtur annum 50. requirere; nam cum eum Antistitem cuperet ordinare S. Willibrordus, ad eam dignitatem declinandum, annali (inquit Serarius lib. 3. Rerum Moguntinarum notatione 54) eius Episcopalis ordinis lege vsus est se 50. anni necdum plenè ætatem recepisse. Attamen vsus talis nec erat perpetuus, nec ubique; quandoquidem constat in Concilio Agathensi circa annum Christi 506. Prouinciali quidem, sed approbato, recepto & in praxim deducto, conclusum, sufficere vt infra trigessimum annum nullus ordinetur Episcopus, quod hodieque in communi est obseruatione.

Quidquid vero Canon vsusque tulerint, vbi supremus omnium moderator iubet, cuius imperio Ecclesiae ministri destinantur, Canonemque vsusque cedere necesse est. Scimus diuino nutu S. Remigium eximium illum Galliarum Apostolum id dignitatis consecutum non amplius 22. annos natum; S. Lambertum 21. ætatis suæ; vnde parum dixi refert an trigesimo nono inchoato, an expleto Willibrordus hierarchicam consecrationem susceperit, qui ex coelesti imperio veniebat ordinandus.

## DISSERTATIO LXIII.

Quo die eam acceperit.



N mense Nouembri eam accepisse, indubium est. Quo mensis die? Beda affirmat ordinatum in festo S. Cecilie virginis & Martyris, quod celebratur 22. Nouembris. Trithemius in compendio historiae Francorum in festo S. Clementis Papæ & Martyris quod celebratur 23. Nouembris. Bedæ Authoris coætanei grauißima est Authoritas, quam sparsim sequuntur. Pro Trithemio facit 1. quod in die S. Cecilie 22. Nouembris Willibrordus prius vrbis mœnia subierit; vnde non videntur tam cito præsto potuisse esse quæ pro apparatu Episcopalis consecrationis debent ac decet. 2. quod nomen Clementis Willibrordo ab ordinatore sit impositum, vt qui ordinaretur in festo S. Clementis; inde enim transnominations sæpißime accipiuntur.

Si alteruter repudiandus esset, Trithemius esset repudiandus.